



PRIVREDNA KOMORA KANTONA SARAJEVO

Broj: 06/FP/4- 56 /2008.
Sarajevo, 12.5.2008.

Postovani gosp. direktore,

Organizacija **UG INFOHOUSE**, uz podršku Privredne komore Kantona Sarajevo, GTZ – Njemačko društvo za tehničku saradnju, Kantonalna privredna komora Tuzla, Privredna komora regije Bijeljina, Privredna komora regije Banja Luka i ove godine implementira edukativni **projekat** pod nazivom «**Volontiraj - kreditiraj**».

U toku 2007. godine, 380 učenika iz 17 srednjih škola sa područja Kantona Sarajevo radilo je za **Socijalni dan** (10.5.2007.) u 77 firmi i drugih organizacija. Na **Sajmu ideja** (26.5.2007.) godine predstavljeni su programi iz 17 srednjih škola i proglašeni su najbolji projekti koji su dobili skromne nagrade iz sredstava prikupljenih radom učenika. Ovaj projekt je pratila intenzivna medijska kampanja (41 medij je 65 puta objavio informacije o projektnim aktivnostima).

Da je ovo korisna društvena akcija potvrđuje i činjenica da je «ERSTE fondacija» (čiji je osnivač ERSTE banka iz Austrije) iz Beča, krajem februara 2008. godine, na takmičenju u Ljubljani, u konkurenciji preko 400 prijavljenih projekata sa područja Balkana proglasila **najboljim projekt Volontiraj - kreditiraj 2007.** u organizaciji UG INFOHOUSE.

Svrha ovog projekta je da obuči osnaži učenike da kreiraju svoj rad, steknu radne navike, ostvare kontakte sa drugim akterima civilnog društva u cilju uvezivanja i razmjene iskustava budućih i sadašnjih profesionalaca.

Zbog interesovanja koje je pobudio ovaj projekt prošle godine, ove godine će se projekt realizirati ne samo u Sarajevu nego i u drugim gradovima u BiH (Bijeljina, Banja Luka, Mostar, Široki Brijeg i Tuzla). Očekuje se da će u projektu učestvovati 87 srednjih škola iz navedenih gradova.

Učenici će na **SOCIJALNI DAN - 10.10.2008.**, jedan dan rada u školi zamijeniti jednim danom rada u nekoj od firmi, koja će potom uplatiti njihovu dnevnicu (15 KM) na projektni žiro-račun. Na **Sajmu ideja, 8.11.2008.** u Sarajevu biće prezentirane škole i njihovi projekti.

Pozivamo kompanije da se uključe u ovaj projekt, prime jedna broj učenika na rad 10.10.2008. godine i na taj način doprinesu razvoju poslovnih vještina mladih ljudi. Firme koje se odluče učestvovati u projektu sklopile bi ugovor sa UG INFOHOUSE gdje bi se regulisale obaveze, odnosno sva pitanja vezana za učešće kompanija u ovom projektu. Nositelj projekta se obavezuje da će obezbijediti svu potrebnu medijsku pažnju, te promovirati kompanije koje omogućće ostvarenje ove ideje.

Molimo vas da podržite ovaj projekat i time date podršku mladim ljudima da steknu određenu praksu, te da iskažu svoje mogućnosti. Informišite nas do kraja juna 2008. godine da li želite da se Vaša firma uključi u projekt na način da primite 10.10.2008. jednog ili više učenika na praksu i da dnevnicu/e za taj dan uplatite na račun projekta. Firme zainteresirane da prime učenika na rad (jedan dan za vrijeme Socijalnog dana) detaljnije informacije mogu dobiti na tel/faks 033 **227-614** (UG Infohouse).

UG INFOHOUSE
Direktor
Dženana Alađuz, prof. s.r.

Privredna komora Kantona Sarajevo
Predsjednik Komore
Kemal Grebo, dipl. ecc. s.r.

**PRIJAVA ZA UČEŠĆE U PROJEKTU
«VOLONTIRAJ - KREDITIRAJ»
Sarajevo, 10. oktobar/listopad 2008. godine**

Firma -----
Adresa -----
Telefon -----
Kontakt osoba -----

Identifikacijski broj Uprave za
indirektno oporezivanje -----

Identifikacijski broj poreske uprave
(ako niste PDV obveznik) -----

Naša firma / organizacija želi učestvovati u projektu „Volontiraj – kreditiraj i primiti na rad jedan dan (10.10.2008.) _____ učenika.

Molimo da ovu prijavu prosljedite UG Infohouse na faks 033 227-614 koji će vas kontaktirati i dati detaljne informacije i upute o proceduri primitka učenika.

Potpis odgovorne osobe